



□ 11
2971
51



口口
2971
51



史鈞沈

陸賈楚漢春秋

甘泉黃齋學

送書考

項燕

燕為王翳所殺

史項羽本紀索隱

項梁

項梁陰養生士最高者多力拔樹以擊地

御覽三五

八

項梁陰養生士九十人參木者所與計謀者

也木佯疾於室中鑄大錢以具甲兵

御覽八百三十

陸賈楚漢春秋

昭和十八年
十一月十日
東京

附賈吏漢者利

洪遵志
土作死士

會稽守

楮假守殷通

史項羽本
紀集解

姓殷

前漢書項
籍傳注

東陽吏

易獄吏陳嬰

史秦本紀正義
綱目秦二世皇帝集覽

辨信

信岸數從其下卿新昌亭長寄食

史淮陰
侯傳索

夏侯嬰

滕公為御

史夏侯嬰
傳索隱

英布

人相我當刑而王豈是乎

史黥布
傳索隱

吳廣說陳涉

吳廣說陳涉曰王引兵西擊則野無交兵

選文

曹子建贈丁
儀王粲詩注

上過陳留

案史酈生正傳不同
此述於朱建傳尾

上過陳留酈生求見使者入通公方洗足問

何如人曰狀類大儒上曰吾方以天下為事

陸賈李廣春秋

二

未暇見大儒也使者出告酈生瞋目按劍入
言高陽酒徒非大儒也御覽三百四十二
三百六十六

高祖向咸陽

高祖向咸陽南趣宛宛堅守不下乃匿其旗
旗人銜枚馬東口龍舉而翼奮雞未鳴圍宛
城三市宛城降史高祖本紀索隱 御覽三
百五十七 書鈔武功引楚

漢春秋龍舉
翼起四字

或言誅秦王

樊噲請殺之史高祖本
紀索隱

沛公西入武關

沛公西入武關居於灞上遣將軍閉函谷關
無內項王項王大將亞父至關不得入怒曰
沛公欲反耶即令家發薪一束欲燒關關門
乃開藝文類
聚六

酈生

酈姓史項羽本紀集解 本姓解 史留侯世
前漢書張良傳注 家索隱 解
先生曰遣守函谷無內項王史高祖本
紀索隱

韓王信

韓王信都

史韓王信傳索隱

案史索隱云

楚漢春秋云韓王信都恐誤也諸書不言有韓信都按韓初為韓司徒後說云申徒因誤以為韓王名耳而何義門讀書記云楚漢春秋韓王本名信都見史通按信都之信與申同然則讀當為平聲與淮陰侯名異也小顏功臣表留侯下亦引之

項王在鴻門

項王在鴻門亞父曰吾使人望沛公其氣衝天五采色相繆或似龍或似雲非人臣之氣可誅之高祖會項羽范增曰羽羽不應樊噲叔盾撞入食豕羽壯之

水經渭水注御覽曰五百

望沛公其氣衝天五色相繆或似龍或似雲或似虎或似雲或似人此非人臣之氣也又八十七引首有項王在鴻門五字也下有若不若殺之四字

亞父碎玉斗

沛公脫身鴻門從間道至軍張良韓信乃謂項王軍門曰沛公使臣奉白璧一雙獻大王足下玉斗一隻獻大將軍足下亞父受玉斗置地戟撞破之

御覽三百五十二

烹說者

說者是蔡生

史項羽本紀正義

董公遮說

董公八十二歲其名未詳秦世隱士遮道而說遂封為成侯

通鑑綱目西楚霸王漢王二年集覽

上敗彭城

上敗彭城薛人丁固追上被髮而顧曰丁公

相逼之甚乃迴馬而去上即位欲陳功上

復項氏失天下是子也為人臣用兩心非

也使下吏笞殺之

御覽六百四十九前漢書李

傳注引晉灼曰楚

王漢王二年集覽

項王為高閣

項王為高閣置太公於上告漢王曰今

下吾烹太公漢王曰吾與項王約為兄弟

翁即汝翁若烹汝翁幸分我一杯羹

御覽百八

四

項王使武涉說淮陰侯

項王使武涉說淮陰侯淮陰侯曰臣故事

王位不過中郎官不過執戟及去項歸漢

王賜臣玉案之食巨闕之劍臣背判之內

陶真爽漢春利
於心藝文類聚六十九 御覽七百十 文選四愁詩注引淮陰侯曰臣去項歸漢漢王賜臣玉案之食又開居賦賦注引韓信曰臣內嫌於心

問道葦山而望趙軍

卑山史淮陰侯傳索隱

孔將軍

孔將軍居左前漢書功臣表注

上欲封侯公

上欲封侯公不肖復見曰此天下之弊士所居傾國故號平國君文選漢高祖臣項注

上東圍項羽

上東圍項羽聞樊噲反鹿頭公孫戎明之卒

不反封戎二千戶前漢書王莽傳注

美人和項羽歌

歌曰漢兵已畧地四方楚歌聲太王意氣盡

賤妾何聊生史項羽本紀正義王應麟困學紀聞云太史公述楚漢春秋其不載於書者正義云項羽歌美人和之楚漢春秋云漢兵已畧地四面楚歌聲太王意氣盡賤妾何聊生是時已為五言矣

漢已定天下

漢已定天下論羣臣破敵禽將活死不哀絳

灌樊噲是也功成名立臣為爪牙世世相屬

百世無邪絳侯周勃是也文選移書讓太常

陳平傳注引楚漢春秋

高祖之臣別有絳灌

高祖初封侯者皆賜丹書鐵券曰後黃河如

帶泰山如礪漢有宗廟爾無絕世九十八

困學紀聞原注云下二句不同

臣年表云使河如帶泰山若厲國以宗室及苗裔故云下二句不同也

許負

高祖封許負為鳴鷗亭侯史絳侯周勃世索隱輟耕錄二十一

九

周繆

封周繆為憑城侯前漢書周繆傳注

王隆

清陽侯王隆史功臣表索隱

傅寬

陰陵侯王寬上全

陳賁

博陽侯陳賁上全

蠱達

夜侯蠱達上全

張耳

南宮侯張耳上全

史高祖功臣侯年表侯第索隱曰姚氏云蕭何第一曹參二張敖三周勃四樊噲五酈商六奚涓七夏侯嬰八灌嬰九傅寬十靳歙十一王陵十二陳二灌嬰九傅寬十薛歐十五周昌十六丁復十七蠱達十八史記與漢表同而楚漢春秋則不同陸

記事在高祖惠帝時漢書是後定前漢列及陳平受呂后命而定或已改邑號也人名亦列曰高祖初定惟十八後呂后陳平終竟以下列侯第錄凡一百四十二人也

王疆

王疆數言事而當上使參乘解玉劍以佩之天下定以為守有告之者上曰天下方急汝何在曰亡上曰王疆沐浴霜露與我從軍而汝亡告之何也下廷尉劾御覽六百四十八

北郭先生

北郭先生獻帶於淮陰侯曰牛為人任用力
盡猶不置其革御覽六百九十八

淮陰舍人告信反

謝公也史淮陰侯傳索隱

淮陰武王反

淮陰武王反上自擊之張良居守上體不安
臥輜車中行三四里留侯走東追上簪墮俄
髮及輜車排戶曰陛下即棄天下欲以王葬
乎以布衣葬乎上罵曰若翁天子也何故以

王及布衣葬乎良曰淮南反於東淮陰寧於
西恐陛下倚溝壑而終也御覽三百九十四

黥布反

黥布反羽書至上大怒文選咏將軍北伐詩注

下蔡亭長詈淮南王曰封汝爵為千乘東面
盡日所出尙未足黥徒羣盜所耶而反何也

文選五等諸侯論注困學紀聞原注謂英布史漢不載

告蕭何

斬告蕭何者書鈔克明部案史及漢書無此事蕭何在高祖時嘗以為功

當第一亦素無疑何心書鈔所引無從編次今因上有淮陰舍人告信事姑附載於此

叔孫通

名何史叔孫通傳集解漢書叔孫通傳注叔孫何云臣三諫不

從請以身當之撫劍將自殺上離席曰吾聽

子計不易太子索隱

四皓

四人冠偉冠佩銀環衣服甚鮮後漢書

惠帝崩

帝崩呂太后欲為高墳使從未央宮而見

之諸將諫不許東陽侯垂泣曰陛下見惠帝

亦悲哀流涕無已是傷生也臣竊哀之太后

止東陽侯張相如也御覽四百五十七困學紀聞攷史

劉澤

出子春說張卿云劉澤宗家也史荆燕世家索隱

吳太子

吳太子名賢字德明史吳王傳索隱

趙中大夫

趙中大夫曰臣聞越王句踐素甲三千

文選關中

詩

吳大夫

趙中大夫曰臣聞越王句踐素甲三千

吳大夫

趙中大夫曰臣聞越王句踐素甲三千

吳大夫

趙中大夫曰臣聞越王句踐素甲三千

吳大夫

趙中大夫曰臣聞越王句踐素甲三千

子史鈎沈

逸書考

伏侯古今注

甘泉黃奭學

孔子生高次孔子生高次

孔子生之夜有二蒼龍自天而下有二神女

擊香霧於空中以沐徵在先是五老列於

庭前則五星之精有麟吐玉書於闕里人家

云水精之子繼商周而素王出故蒼龍繞室

五星降庭徵在知其為異乃以繡紱繫麟角

而去至敬王末魯哀公十四年魯人鉏商田



於大澤得麟以告夫子夫子知命之終乃抱
麟解紱而去涕泗焉
孫穀古微書孝經鈞命訣著錄

秦錢

秦錢半兩徑寸二分重十二銖榆莢錢重三

銖史記平準書索隱洪遵泉志引鑄莢錢重三銖

蒲脯鹿馬

秦二世時趙高先獻蒲脯鹿馬以驗羣臣書鈔

部脯

天文

光武建武六年九月丙戌月犯太微西藩十

一月辛亥月犯軒轅後漢書天文志注

七年九月庚子土入鬼中上全

八年三月庚子夜月暈五重紫微青黃似虹

有黑氣如雲月星不見丙夜乃解後漢書五行志注

茲輯凡於帝號年號為諸書引注文所有者僅載前一事如此條刪光武建武四字是也餘不復贅其有改元年號則併載之其原引帝號年號無明文者則併依漢書增入其有帝號無年號者則增年號有年號無帝號者則增帝號其中或有月日語意未完晰者亦間依漢書增入數字非敢妄加附會也

十年正月壬戌月犯心後星閏月庚辰火入
輿鬼過軫北庚申月在斗赤如丹後漢書天文志注

十二年正月丁丑月彗軒轅大星二月辛亥

月入氏暈珥圍角亢房七月丁丑月犯昴頭

兩星八月辛酉水見東方翼分九月甲午火

犯輿鬼十月丁卯大星流有光發東井西行

聲隆隆上全

十二年二月乙卯火犯輿鬼西北上全

十六年四月土星逆行上全

十七年三月乙未火逆行從東門入太微到

執法星東已西南出端門上全

十八年十二月壬戌月犯木星上全

十九年閏月戊申火逆行從氏到亢上全

二十一年七月辛酉火入畢上全

二十三年三月癸未月食火星上全

三十一年七月戊申月犯心後星上全

中元元年三月甲寅月犯心後星上全

明帝永平元年閏九月辛未火在太微左執法

法星所光芒相及十一月辛未土逆行乘車
井北軒轅第二星_{上全}

二年十二月戊辰月食火星_{上全}

三年六月丁卯彗長三尺所見三十五日乃

去_{後漢書明帝紀注}

七年三月庚戌客星光氣二尺所在太微左

執法南端門外凡見七十五日_{後漢書天文志注}

八年十二月戊子客星出東方_{上全}

九年正月戊申客星厯斗建箕房過角亢至

翼芒東指_{上全}

十年七月甲寅月犯歲星_{上全}

十一年六月壬辰火犯土星_{上全}

十三年十一月客星出軒轅四十八日十二

月戊午月犯水星_{上全}

十六年正月丁未月犯房_{上全}

章帝建初元年二月甲申金入斗魁_{上全}

三年二月戊辰木火具在參三月戊寅木水

在東井_{上全}

六年七月丁酉夜有流星起軒轅大如拳上全 文昌餘氣正白句曲西如文昌久久乃滅上全 和帝永元元年正月辛卯流星大如拳起參東南癸亥鎮在參又流星大如桃色赤起太微東藩三月戊子土在參丙辰流星大如桃起天津東至斗黃白頻有光壬戌流星起天將軍東北色黃無光十一月壬申鎮星在東井上全 二年正月丙寅水在奎土在東井金在婁木

火在昴三月甲子火在亢南端門第一星南乙亥金在東井四月丁丑火在氏東南星東南上全 五年正月甲戌月乘歲星四月木在輿鬼上全 六年六月丁亥金在東井閏月己丑流星大如桃起參北西至參肩南稍有光上全 八年九月辛丑夜有流星大如拳起婁上全 十一年六月庚辰月入畢中上全 十三年正月辛未水乘輿鬼十二月癸巳犯

軒轅大星^{上全}

十四年正月乙卯月犯軒轅在太微中二月
 十日丁酉水入太微西門十一月丁丑有流
 星大如拳起北斗魁中北至閣道稍有光色
 赤黃須臾西有雷聲^{上全}
 殤帝延平元年七月甲申月在南斗中^{上全}
 安帝永初二年四月乙亥月入南斗魁中八
 月己亥熒惑出入太微端門^{上全}
 三年三月壬寅熒惑入輿鬼中五月丙寅太

白入畢中^{上全}

四年二月丙寅月犯軒轅大星^{上全}
 元初六年星盡見^{後漢書五行志注}
 延光元年四月丙午太白晝見^{後漢書天文志注}
 四年四月甲辰太白入輿鬼中^{上全}
 順帝永建元年二月甲午客星入太微五月
 甲子月入斗^{上全}
 二年二月丁巳月犯心七月丁酉犯昴九月
 戊寅有白氣廣三尺長十餘丈從北落師門

南至斗上全

三年二月癸未月犯心後星六月甲子太白
書見上全

四年二月癸丑月犯心後星上全

五年閏月庚子太白晝見上全

六年彗星出於斗牽牛滅於虛危虛危為齊

牽牛吳越故海賊浮於會稽山賊捷於濟南

五月夏熒惑守氐諸侯有斬者是冬班始腰

斬馬市上全

陽嘉二年四月壬寅太白晝見五月癸巳又
晝見十一月辛未又晝見十二月壬寅月犯

太白上全

三年十二月辛未太白晝見上全

四年四月乙卯太白熒惑入輿鬼上全

按漢書順帝紀陽嘉四年後改元永和天
文志注引古今注年失載其云四月乙卯
在陽嘉三年十二月之後永和元
之前自當是四年四月事備攷

永和元年五月丁卯太白犯牽牛大星上全

二年九月壬午月入畢口中上全

三月八月己酉熒惑入太微十二月丁卯月犯軒轅大星上全

六年五月庚寅太白晝見十一月甲午太白晝見上全

漢安元年二月壬午歲星在太微中八月癸丑月犯南斗入魁中上全

漢安二年五月丙辰月入斗中上全冲帝建康元年九月己亥太白晝見上全

質帝本初元年三月丁丑月入南斗上全

郡國

光武建武十一年十月西河上郡屬魏後漢書郡

十八年使中郎將耿遵築春陵城全上玉海一百七

二十七年兩引代郡屬幽州後漢書注全上

明帝永平十年作常山浮沱河蒲吾渠通漕船也上全

十年置益州西部都尉治雋唐鎮尉哀牢人

牒榆蠻夷

全上 西南 夷列傳注

劉盆子

附

赤眉賊立劉盆子於鄭北在枯縱山下

後漢書郡

國志注

伏無忌記戶口及墾田大數

附

光武中元二年戶四百二十七萬九千六

百三十四口二千一百萬七千八百二十

後漢書郡

國志注

明帝永平十八年戶五百八十六萬五百

七十二口三千四百一十二萬五千二十

全上

章帝章和二年戶七百四十五萬六千七

百八十四口四千三百三十五萬六千三

百六十七

全上

和帝永興元年戶九百二十二萬七千一

百一十二口五千三百二十五萬六千二

百一十九墾田七百三十二萬一百七十

頃八十畝百四十步

全上

安帝延光四年戶九百六十四萬七千八百三十八口四千八百六十九萬七千八百八十九墾田六百九十四萬二千八百九十二頃一十三畝八十五步上全
順帝建康元年戶九百九十四萬六千九百一十九口四千九百七十三萬五千五百五十墾田六百八十九萬六千二百七十一頃五十六畝一百九十四步上全
冲帝永嘉元年戶九百九十三萬七千六百

百八十八口四千九百五十二萬四千一百八十三墾田六百九十五萬七千六百七十六頃二十畝百八步上全
質帝本初元年戶九百二十四萬八千二百二十七口四千七百五十六萬六千七百七十二墾田六百九十三萬一百二十三頃三十八畝上全
帝號

光武帝秀

秀之字曰茂後漢書光武帝紀注

孝明帝莊

莊之字曰嚴後漢書孝明帝紀注

孝章帝烜

烜之字曰著後漢書孝章帝紀注

孝和帝肇

肇之字曰始後漢書孝和帝紀注

案李賢漢書注引古今注云伏侯肇音許慎說文肇音火可反上諱也伏侯許慎並漢時人而帝諱不同蓋應別有所據何義門讀書記云案今徐鼎臣所定說文

直夫火可之音又無一語證明後此字書亦遂仍之恐昧多聞闕疑之意

孝殤帝隆

隆之字曰盛後漢書孝殤帝紀注

孝安帝祐

祐之字曰福後漢書孝安帝紀注

孝順帝保

保之字曰守後漢書孝順帝紀注

孝沖帝炳

炳之字曰明後漢書孝沖帝紀注

孝質帝纘

纘之字曰繼後漢書孝質帝紀注

孝桓帝志

志之字曰意胡三省資治通鑑孝桓帝紀注

孝靈帝宏

宏之字曰大後漢書孝靈帝紀注 胡三省資治通鑑孝靈帝紀注

孝獻帝協

協之字曰合胡三省資治通鑑孝獻帝紀注

寢

光武原陵山方三百二十三步高大丈六尺
 垣四出司馬門寢殿鐘虞皆在周垣內提封
 田十二頃五十七畝八十五步後漢書禮儀志注
 明帝顯節陵山方三百步高八丈無周垣為
 行馬四出司馬門石殿鐘虞在行馬內寢殿
 園省在東園寺吏舍在殿北提封田七十四
 頃五畝全
 章帝敬陵山方三百步高六丈二尺無周垣
 為行馬四出司馬門石殿鐘虞在行馬內寢

殿園省在東園寺吏舍在殿北提封田二十

五頃五十五畝

全上 和帝紀注引敬陵

和帝慎陵山方三百八十步高十丈無周垣

為行馬四出司馬門石殿鐘虞在行馬內寢

殿園省在東園寺吏舍在殿北提封田三十

一頃二十畝二百步

全上 高八丈無周垣

殤帝康陵山周二百八步高五丈五尺行馬

四出司馬門寢殿鐘虞在行馬中因寢殿為

廟園寺吏舍在殿北提封田十三頃十九畝

二百五十步

全上 高八丈無周垣

安帝恭陵山周二百六十步高十五丈無周

垣行馬四出司馬門石殿鐘虞在行馬內寢

殿園寺吏舍在殿北提封田一十四頃五十

六畝

全上 高八丈無周垣

順帝憲陵山方三百步高八丈四尺無周垣

為行馬四出司馬門石殿鐘虞在司馬門內

寢殿園省吏舍在殿東提封田十八頃十九

畝二十步

全上 高八丈無周垣

冲帝懷陵山方百八十三步高四丈六尺為
寢殿行馬四出門園寺吏舍在殿東提封田
五頃八十畝全上 質帝紀注引懷陵高四丈六尺周百八十三步
質帝靜陵山方百三十六步高五丈五尺為
行馬四出門寢殿鐘虞在行馬中園寺吏舍
在殿北提封田十二頃五十四畝因寢為廟

全上

光武崩

附

中元二年崩是歲在丁巳

後漢書光武帝紀注

祭祀

光武建武二年正月立高廟於雒陽校官立

之

後漢書祭祀志注 通典禮九

十八年七月使中郎將耿遵治皇祖廟舊廬

稻田

後漢書全上 玉

二十一年二月乙酉徙立社稷上東門內

後漢

書全上 玉

章帝元和三年初為郡國立稷及祠社靈星

禮器也

後漢書注全上 玉海九十九兩引

天侯古今注

漢制

高帝七年羣臣始朝十月

史高祖紀索隱

武帝常以春分行部郡國各遣一吏迎界上

後漢書百官志注

武帝天漢四年令諸侯王大國朱輪特虎居

前左兕右麋小國朱輪畫特熊居前寢麋居

左右後漢書輿服志注玉海七十八通

典禮二十五引惟小國下無朱輪畫三字麋皆

成帝鴻嘉二年令民得買爵級千錢

後漢書百官志

注

光武建武六年三月令郡太守諸侯相高丞

長史行事

通典職官十五後漢書注全上

八月省都尉官

後漢書注全上玉海一百三十七

初令關內侯食邑者奉月二十五斛

後漢書注全上

玉海一百三十四

八年立春賜束帛公十五匹卿十匹

後漢書禮儀志

注御覽二十注引建武八年立春勅賜公縑十四匹卿七匹也

十三年初令長皆小冠

後漢書輿服志注

十五

九月初開平城門

後漢書百官志注
玉海一百六十九

十四年封孔子後志為褒城侯志時為密令

後漢書光
武紀注

案漢書注引古今志疑志
即古今注也故併載之

罷邊郡太守丞長史領丞職

後漢書百
官志注

二十年四月庚辰大司徒戴涉坐入故太倉

令奚涉罪下獄死

後漢書光
武紀注

二十六年四月戊戌增吏奉

後漢書百
官志注

王應麟曰漢紀云正月古今注云四月戊
戌未知孰是或以為正月下詔四月定制

又據後百官志載百官受奉例更引古
今注云以此詔參之比六百石月
此增其五斛所謂四百石四十五斛此各
增其五斛所謂增者止此他皆舊數

明帝永平元年六月乙卯初令百官羸白

幕皆霜

後漢書禮
儀志注

二年十一月初作北宮朱爵南司馬門

後漢
書百

官志

十五年更作太尉司徒司空府開陽城門內

後漢書
注全上

王應麟曰漢宮掖七門古今
注載二門其餘日月皆靡記

天矣古今注

章帝建初七年七月為大司農置丞一人秩

千石別主帑藏後漢書注全上

和帝永元三年七月增尚書令史員功滿未

嘗犯禁者以補小縣墨綬後漢書注全上玉海一百二十三

引無未嘗犯禁者以六字

十二年封思王鈞弟番為陽都鄉侯千秋為

新平侯參為周亭侯壽為樂陽亭侯寶為博

平侯旦為高亭侯後漢書孝明八王傳注

安帝永初六年正月甲寅皇太后率大臣命

婦謁宗廟後漢書安帝紀注

建光元年置漁陽營兵千人全上

順帝永和三年初與河南尹及雒陽員吏四

百二十七人奉月四十五斛後漢書百官志注

漢安元年七月置承華殿令秩六百石後漢書注

全上玉海一百四十八

災異

旱

武帝元封六年五月旱及女巫丈夫不入市

後漢書禮儀志注

光武建武三年七月雒陽大旱帝

雨即日雨後漢書五行志注

六年六月旱上全

九年春旱上全

十二年五月旱上全

二十一年六月旱上全

明帝永平元年五月旱上全

八年冬旱上全

十一年八月旱上全

十五年八月旱上全

十八年三月旱上全

章帝建初二年夏雒陽旱上全

四年夏旱上全

元和元年春旱上全

和帝永元二年郡國十四旱上全

十五年丹陽郡國二十二並旱或傷稼上全

安帝永初元年郡國八旱分遣議郎請雨上全

三年郡國八旱上全

四年夏旱上全

五年夏旱上全

建光元年郡國四旱上全

延光元年郡國五旱傷稼上全

冲帝本初元年二月京師旱上全

火

光武建武六年十二月雒陽市火

後漢書五行志注

二十四年正月戊子雷雨霹靂火災高廟北

門上全

明帝永平元年六月己亥桂陽見火飛來燒

城寺上全

章帝建初元年十二月北宮火燒壽安殿延

及右掖門上全

元和三年六月丙午雷雨火燒北宮朱爵西

闕上全

安帝永初元年十二月河南郡縣火燒殺百

五人上全

二年河南郡縣又失火燒五百八十四人上全
順帝永建三年五月戊辰守宮失火燒宮藏
財物盡上全

四年河南郡失火燒人及畜上全

陽嘉元年十二月河南郡國火燒廬舍殺人上全

永和六年十二月雒陽酒市失火燒肆殺人上全

漢安元年三月甲午雒陽失火火或從室屋上全

間物中不知所從起數月乃止十二月雒陽

失火上全

水上全

光武建武四年東郡以北傷水後漢書五行志注

七年六月戊辰雒水盛溢至津城門帝自行

水宏農都尉治折為水所漂殺民溺傷稼壞

廬舍上全

二十四年六月丙申沛國睢水逆流一日

夜止上全

章帝建初八年六月癸巳東昏城下池水變赤如血上全

安帝延平六年河東水化為血御覽五十九

元初二年潁川襄城流水化為血後漢書五行志注

御覽五十九引作水化為血不流

光武建武六年九月大雨連月苗稼更生鼠

粟樹上後漢書五行志注

十七年雒陽暴雨壞民廬舍壓殺人傷害禾

稼上全

稼上全

雹

光武建武十年十月戊辰樂浪上谷雨雹傷

稼後漢書五行志注

十二年河南平陽雨雹大如杯壞敗吏民廬

舍上全

十五年十二月乙卯鉅鹿雨雹傷稼上全

和帝永平三年八月郡國十二雨雹傷稼上全

十年郡國十八或雨雹蝗上全

安帝元初四年樂安雹如杆殺人上全

順帝永建三年郡國十二雨雹上全

六年郡國十二雨雹傷秋稼上全

蝗

光武建武二十二年三月京師郡國十九蝗

後漢書五行志注

二十三年京師郡國十八大蝗旱草木盡上全

二十八年三月郡國八十蝗上全

二十九年四月武威酒泉清河京兆魏郡宏

農蝗上全

三十年六月郡國十二大蝗上全

三十一年郡國大蝗上全

中元元年三月郡國十六大蝗上全

明帝永平四年十二月酒泉大蝗從塞外入

上全

安帝永初六年郡國四十八蝗上全

蛾附

蛾飛廣五六丈藝文類聚九十七

伏侯古今注

三

案漢書元帝建昭元年秋八月有白蛾羣飛蔽日從都門至軹道類聚引漢書更引古今注年失載想即建昭時事歟

疫

光武建武十三年揚徐部大疾疫會稽江左

甚漢書五行志注

案何義門讀書記云漢光武帝紀十四年是歲會稽大疫古今注以為十三年

二十六年郡國七大疫上全

日變

光武建武元年正月庚午朔日有蝕之即更

始三年後漢書五行志注

四年五月乙卯晦日有蝕之上全

七年四月丙寅時日加卯西而東面有抱須

與成暈中有兩鈎在南北面有白虹貫暈在

西北南面有背在景加已皆解上全

九年七月丁酉日有蝕之上全

十一年六月癸丑日有蝕之十二月辛亥日

有蝕之上全

二十六年二月戊子日有蝕之盡上全

中元元年十一月甲辰日中星齒往往出入

上全

明帝永平四年八月丙寅時加未日有蝕之

上全

五年二月乙未朔日有蝕之京師侯者不覺

河南尹郡國三十一

上全

六年六月庚寅晦日有蝕之時雒陽侯者不

見

上全

八年十二月日有蝕之

上全

十三年閏八月日有蝕之

上全

章帝建初元年正月壬申白虹貫日

上全

五年七月甲寅夜白虹出乙丑地西北曲入

上全

七年四月丙寅日加卯西面有抱須臾成暈

有白虹貫日

上全

章帝元和元年九月乙未日有蝕之

上全

安帝永初三年三月日有蝕之

上全

熹帝延平元年六月丁未日暈上有半暈中

外有僑背兩珥十二月丙寅日暈再重中有背僑上全

順帝永建二年正月戊午白虹貫日上全

三年正月丁酉日有白虹貫交暈中上全

六年正月丁卯日暈兩珥白虹貫珥中上全

永和六年正月己卯暈兩珥中赤外青白虹

貫暈中上全

案漢書律歷志注云五行志章和元年訖漢安二年日變二十三事古今注又長然則此載者多矣俟更徵之博雅君子焉

天變

漢武帝元朔四年雨土御覽八百七十七

大雪松柏皆折書鈔雪部引武帝四年事

昭帝始元元年雨土路史注

二年雨土晝昏御覽八百七十七

元鳳三年天雨黃土晝夜昏霾御覽十五

詹主事汝諧曰漢昭帝始元元年二月并雨土羅泌路史雨粟說與元朔元鳳二條并引注文惟一書古今注言伏侯占豈無忌別有占驗書抑注中載占候事故有是名與又云注中虛危為齊等語亦似占驗中語原輯缺始元元年雨土一條今補

入因并其語
書之以備考

宣帝地節元年上郡沙中夜風有火如粟出

不熱御覽七十四
八百六十九

元帝建昭四年雨土御覽八百
七十七

竟寧元年大霧樹皆白御覽
十五

成帝建始三年七月夜有黃白氣長十餘丈

明照地或曰天裂或曰天劍御覽
二

四年無雲而風天雷如擊連鼓音可四五刻

隆隆如車聲御覽十三
引未有不能絕二字

光武建武十年遼東冬雷草木實後漢書五
行志注

明帝永平七年十月丙子越嶲雷上全

章帝建初四年五月戊寅潁陰石從天墜大

如鈇鑽色黑始下時聲如雷上全

順帝永和四年四月戊午雷震擊高廟世祖

廟外槐樹上全

物異

平帝元始三年延陵西園神寢內御座前大

鏡皆清液如汗水出狀御覽七
百十七

光武建武六年山陽有小蟲皆類人形甚衆
明日皆懸樹枝而死乃大蟻也御覽九百四十四無乃大

蟻也四字九百四十七

九年六郡八縣鼠食稼後漢書五行志注

章帝建初三年丹陽宛陵民掘地得甲一御覽

三百五十六

五年東海魯國東平山陽濟陰陳留民訛言相驚有賊捕至京師民皆入城也後漢書五行志注

和帝永元七年三月江夏縣民舍柱生兩枝

其大長尺五寸分爲八枝其一長尺五寸分爲五枝皆皆也上全

安帝永初二年時州郡大饑米石二千人相

食老弱相棄道路後漢書孝安帝紀注

殤帝延平元年五月河東垣山崩長七又廣

四尺後漢書孝殤帝紀注

瑞應

甘露

光武建武二十年甘露下日南朱梧積四十

五日 藝文類聚 九十八

章帝元和二年甘露降河南 後漢書班固傳注

雨粟

武帝建元四年天雨粟 藝文類聚 八百四十五 御覽 八百四十五

宣帝地節三年長安雨黑粟 藝文類聚 全上 御覽 全上

元康四年長安雨黑黍粟如禾 藝文類聚 全上 御覽 全上

元帝竟寧元年南陽山郡縣雨粟色青黑味 百四十二

苦大者如豆小者如麻子赤黃味如麥 藝文類聚

全上無赤黃味如麥五字 御覽 八百四十五

光武建武二十年清河廣川雨粟大如菟實

色黑 御覽 全上

章帝建初二年九江壽春雨粟 全上

雨米

惠帝三年桂宮陽翟俱稻米 五色 線上

雨豆

宣帝元康四年南陽雨豆 藝文類聚 八百四十五 御覽 八百四十五

明帝永平十八年下邳雨大豆似槐實御覽全上

嘉禾

和帝元年嘉禾生濟陰城陽一莖九穗藝文類聚

八十五 御覽八百三十九 玉海一百九十九

元興元年黑黍穗一禾二實或三四實生任

城得粟三斛八斗以薦宗廟藝文類聚全上 御覽八百四

二十

安帝延光二年嘉禾生九真百五十六本七

百六十六穗藝文類聚八十五 御覽八百三十九 玉海一百九十九

下有六月字無
五字六穗作八

旅豆

光武建武三年春縑一疋易一斗豆夏野生

旅豆民收取之御覽八百四十一

嘉瓜

孝平帝元年武陵縣生瓜花如蔥紫色實如

小麥墮地復生御覽九百七十八

野蠶

元帝永元四年東萊郡東牟山有野蠶為繭

繭生蛾蛾生卵卵著石收得萬餘石民人以
為蠶絮藝文類聚六十五 御覽八百十九
引無繭生蛾蛾生卵
十九引無繭生蛾以下云云

雨綿

漢帝永和年長安雨綿皆白五色
線上

雨絮

元帝五年長安雨絮垣屋上皆白民衣之御覽

八百一
十九

芝

漢武時甘泉殿房內產芝九莖連葉作芝房

之歌御覽八百
七十三

孝哀帝元嘉元年芝生後庭木蘭樹上藝文
類聚

八十
九

章帝建初五年芝生潁川常以六月中生一

葉五歲五重春青夏紫秋白冬黑色十月後

黃氣出上尺五寸藝文類聚九十八
御覽九百八十六

元和二年芝生沛如人冠大坐狀又生章武

如人抱三子狀後漢書班固傳注引芝生沛
有大坐二字 藝文類聚九

十八 御覽
九百八十六

桐枝

昭帝元鳳二年馮翊人獻桐枝長六尺九枝

枝一葉也 藝文類聚八十八
御覽九百五十六

黃龍

高祖五年黃龍見華陽池十餘日 藝文類聚
九十八

玉海一百
九十八

九年見長安 並全
上

五鳳四年黃龍出廣漢 並全
上

甘露元年黃龍見新豐 並全
上

二年龍見上郡騰躍五色升天丞相以下上

壽 並全
上

章帝建初三年黃龍見汝南項氏田廬中長

五丈餘高二丈光耀廬舍及樹皆黃 藝文類
聚九十八

八

五年黃龍見零陵泉陵湘水中相與戲其二

大如馬有角六枚大如駒無角 後漢書孝章
帝紀注 玉

海二百引同 一百九十
八引無相與戲以下云云

犬侯石合注

三

元和二年黃龍見洛陽元延亭部後漢書孝章帝紀注

卷二百

和帝永元十年黃龍見潁川定陵民家井中

色黃目如鏡又見巴郡宕渠草木色皆黃藝文類聚九

十八

黃鵠

漢惠帝五年七月黃鵠二集蕭池藝文類聚九

覽九百十六 玉海一百九十九引無二字

白鳥

成帝河平四年白鳥集孝文廟殿下黑鳥從

之藝文類聚九十九 御覽九百二十九 玉海一百九十九

和帝元興元年白鳥一見廬江足皆赤藝文類聚九十九 御覽九百二十九

九十九 御覽九百二十九

三足鳥

章帝元和二年三足鳥集沛國後漢書班固傳注 藝文類聚九

十九

三年代郡高柳烏子生三足大如雞色赤頭

上有角長寸餘藝文類聚九十九

所謂赤鳥者朱鳥也其所居高遠日中三足
鳥之精降而生三足鳥何以三足陽數奇也
是以有虞至孝三足集其庭曾參勸瓜三足
萃其冠初學記三十引末二語
御覽九百二十

五色雀

哀帝太初三年泰時殿中有雀五色頭有冠
長寸餘大似雀始到時雀環其旁藝文類聚
九十九
御覽九百
二十二

鳩

平帝元始三年濟南鳩生白子藝文類聚
十九
御覽
九百一
十一

麟

章帝元和二年麒麟見陳一角端如蔥葉色
赤黃後漢書班固傳注
玉海一
百九十八無一角下九字

一角獸

章帝建初二年北海得一角獸大如麕有角
在耳間端有肉後漢書注全上
玉海一
百九十八無有角下八字
白虎

章帝元和三年白虎見彭城

後漢書注全上

鹿

明帝永平九年三角鹿出江陵

初學記二十九 御覽九

六百

和帝永元十二年豫章餘千得白鹿高丈九

尺 藝文類聚九十五 玉海一百九十八 御覽九百六

白兔

成帝建平元年山陽得白兔目赤如朱 藝文類聚

九十九 初學記二十九 御覽九百七 玉海一百九十八

章帝元和二年白兔見 玉海一百九十八

九尾狐

章帝元和二年白狐九尾見信都 藝文類聚九十九

御覽九百九

玉珪

章帝建初七年玉珪出宏農華陰 藝文類聚八十三

玉海八十七

明珠

章帝元和元年明珠出館陶大如李有光耀

初學記二十七 御覽八
百三 玉海一百九十六

三年明珠出豫章海昏大如雞子圍四寸八

分 初學記御覽
玉海並全上

章和元年鬱林大珠圍三寸 御覽八
百三

和帝永元五年鬱林降人得大珠圍五寸七

分 初學記御覽
玉海並全上

銅酒爵

章帝章和年銅酒爵出河內泌水 御覽七
百六十

子史鈎沈

逸書考

王粲英雄記

甘泉黃奭學

曹操

曹操與劉備密言備泄之於袁紹紹知操有
圖已之意操自咋其舌流血以失言戒後世

藝文十七又御
覽三百六十九

建安中曹操於南皮攻袁譚斬之操作鼓吹

自稱萬歲於馬上舞十二年攻烏桓踰頓一

戰斬踰頓首繫馬鞍於馬抹舞 御覽五百七
十四又水經

王粲英雄記



大遼水注引曹操於是擊馬鞍於馬上作十片語有脫誤

曹操進軍至江上欲從赤壁渡江無船作竹

俾使部曲乘之從漢水來下大江注浦口未

即渡周瑜又夜密使輕舸百艘燒俾操乃夜

走御覽七百七十一

曹公赤壁之敗至雲夢大澤遇大霧迷道書

一百五十一又初學記卷二引無之字至作行澤下有中字迷道作迷失道路

建安七年鄴中大飢米一斛二萬錢御覽三十五

曹純

純字子和年十四而喪父與同產兄別居承

父業富於財僮僕人客以百數純綱紀督御

不失其理鄉里咸以為能好學問敬愛學士

學士多歸焉由是為遠近所稱年十八為黃

門侍郎二十從太祖到襄邑募兵遂常從征

戰魏志曹仁傳注又藝文四十八引曹純字

和年十四喪父業富於財使人僮僕以百數

純綱紀督御之不失其理好學問敬學

黃門郎案太祖二字係後人所改案時不得稱太祖當稱曹公

正統英雅記

周志伍瓊

志字仲遠武威人瓊字德瑜汝南人

魏志董卓傳注

又後漢書董卓傳注引無汝南人三字

橋瑁

瑁字元偉玄族子先為兗州刺史甚有恩惠

魏志武帝紀注又後漢書袁紹傳注引瑁上玄並有橋字

董卓

卓父君雅由微官為潁川綸氏尉有三子長

子擢字孟高早卒次即卓卓弟奭字叔穎

魏志

董卓傳注

卓數討羌胡前後百餘戰

全上

河南中部椽閔貢扶帝及陳留王上至雒舍止帝獨乘一馬陳留王與貢共乘一馬從雒舍南行公卿百官奉迎於北芒阪下故太尉崔烈在前導卓將步騎數千來迎烈呵使避卓罵烈曰晝夜三百里來何云避我不能斷卿頭邪前見帝曰陛下令常侍小黃門作亂乃爾以取禍敗為負不小邪又趨陳留王曰

我董卓也從我抱來乃於貢抱中取王全上

注云英雄記曰一本云王不就卓抱卓與王併馬而行也

董卓謂王允曰欲得一快司隸校尉誰可作

者允曰唯有蓋勳元周京兆耳卓曰此明智

有餘不可假以雄職御覽三百五十三

董卓攻得李昊張安畢生生疑於范鮑刻木

范作中生烹之二人臨入鼎相謂曰不同日

生乃同日烹御覽六百四十五

董卓在顯陽苑請官僚共議欲有廢立謂袁

紹曰劉氏之種不足復遺袁紹曰漢家君天

下四百許年恩澤深渥兆民戴之恐眾不從

公議卓曰天下之事豈不在我我令為之誰

敢不從紹曰天下健者不唯董公紹請立觀

之橫刀長揖而去坐中皆驚愕時卓新至見

紹大家故不敢害之後漢書袁紹傳注引紹

至見紹大家故不敢害卓於是遂策廢皇太后遷之永

安宮其夜崩廢皇帝史侯為宏農王立陳留

王為皇帝卓聞東方州郡謀欲舉兵恐其以

王粲英雄記
宏農王為主乃置王閣上薦之以棘召王太
傅責問之曰宏農王病困何故不白遂遣兵
迫守大醫致藥即日宏農王及妃唐氏皆薨
御覽九

卓侍妾懷抱中子皆封侯弄以金紫孫女名
白時尙未笄封爲渭陽君於郿城東起壇從
廣二丈餘高五六尺使白乘軒金華青蓋車
都尉中郎將刺史二千石在郿者各令乘軒
簪筆爲白導從之壇上使兄子璜爲使首授

印綬魏志董卓傳注又御覽二百二引董卓
孫女名白起郿城下無東字白乘下無
軒字末
有也字

郿去長安二百六十里全上

時有謠言曰千里草何青青十日上猶不生
又作董逃之歌又有道士書布爲呂字以示
卓卓不知其爲呂布也卓當入會陳列步騎
自營至宮朝服導引其中馬躡不前卓心怪
欲止布勸使行乃衷甲而入卓旣死當時日
月清淨微風不起旻璜等及宗族老弱悉在

郿皆還為其羣下所斫射卓母年九十走至
塢門曰乞脫我死即斬首袁氏門生故吏改
殯諸袁死於郿者斂聚董氏尸於其側而焚
之暴卓尸於市卓素肥膏流浸地草為之丹
守尸吏暝以為大炷致卓臍中以為燈光明
達旦如是積日後卓故部曲收所燒者灰并
以一棺棺之葬於郿卓塢中金有三三萬斤
銀八九萬斤珠玉錦綺奇玩雜物皆山崇阜
積不可知數

魏志董卓傳注又後漢書董卓傳注引有道士書布以為呂字

持以示卓卓不知其為呂布也又引卓母年
九十走至塢門曰乞脫我死即時斬首又藝
文八十三引董卓郿塢有金二三萬斤御覽
八百十一事類賦金引同御覽並無郿字

昔大人見臨洮而銅人鑄臨洮生卓而銅人

毀世有卓而大亂作大亂作而卓身滅抑有

以也魏志董卓論注

京師謠歌咸言河臘叢進獻帝臘日生也風
俗通曰烏臘烏臘案逆臣董卓滔天虐民窮
凶極惡關東舉兵欲共誅之轉相顧望莫肯
先進處處停兵數十萬若烏臘蟲相隨橫取

之矣

後漢書五行志一注

太祖作董卓歌辭云德行不虧缺變故自難

常鄭康成行酒伏地郭景圖命盡於園桑

魏志袁紹傳注按歌辭不合董卓疑有誤

何苗

苗太后之同母兄先嫁朱氏之子

語有脫誤

進步

曲將吳匡素怨苗不與進同心又疑其與宦

官同謀乃令軍中曰殺大將軍者車騎也遂

引兵與卓弟旻共攻殺苗於朱爵闕下

魏志董卓

傳注

卓欲震威侍御史擾龍宗詣卓白事不解劍

立搃殺之京師震動發何苗棺出其尸枝解

節弃於道邊又收苗母舞陽君殺之弃尸於

苑枳落中不復收斂

李傕郭汜

傕北地人汜張掖人一名多

魏志董卓傳注又後漢書董卓

傳注引傕北地人

李傕等相攻戰長安中盜賊不禁白日虜掠

是時穀一斛五十萬豆麥二萬人相食啖白骨委積臭穢滿路御覽三十五又書鈔一百五十六陳尚謨補引李催

至人相食

楊奉韓暹

備劉備誘奉與相見因於坐上執之暹失奉

勢孤時欲走還并州為杼秋屯帥張宣所邀

殺魏志董卓傳注

丁原

原字建陽本出自寒家為人麤略有武勇善

騎射為南縣吏受使不辭難有警急追寇虜

輒在其前裁知書少有吏用魏志呂布傳注又後漢書董卓

傳注引至輒在前止無本出自寒家句勇上無武字射上無騎字無為南縣吏四字辭下

末七字

呂布

郭汜在城北布開城門將兵就汜言且卻兵

但身決勝負汜布乃獨共對戰布以矛刺中

汜汜後騎遂前救汜汜布遂各兩罷魏志呂布傳注

諸書布以四月二十三日殺卓六月一日敗

走時又無閭不及六旬全上

呂布刺殺董卓與李傕戰敗乃將數百騎以

卓頭繫馬鞍走出武關御覽三百五十八

王允誅董卓卓部將李傕郭汜不自安遂合

謀攻圍長安城陷呂布奔走布駐馬青瑣門

外招允曰公可以去乎允曰若國家社稷之

靈上安國家吾之願也如其不獲則奉身以

死之御覽四百十七

布自以有功於袁氏輕傲紹下諸將以為擅

相署置不足貴也布求還洛紹假布司隸校

尉外言當遣內欲殺布明日當發紹遣甲士

三十人辭以送布布使止於帳側偽使人於

帳中鼓箏紹兵臥無何出帳去而兵不覺夜

半兵起亂砍布牀被謂為已死明日紹訊問

知布尚在乃閉城門布遂引去魏志呂布傳注又後漢書

賊洪傳注引自布求還洛止於帳側上無布使二字牀下無被字謂下無為字明日作明且

呂布詣袁紹紹患布欲殺之遣三十六兵被

鎧迎布使著帳邊臥布知之使於帳中鼓箏
諸兵臥布出帳去兵不覺也

藝文四十六按
與魏志呂布傳

注後漢臧洪傳
注所引不同

呂布詣袁紹紹患之布不自安因求還洛陽
紹聽之承制使領校尉遣壯士送布而陰殺
之布疑其圖己乃使人鼓箏於帳中潛自遁
去夜中兵起而布已亡紹聞懼為患募追之
皆莫敢近遂復歸

御覽五百七十六按
所引又與藝文各別

布見備甚敬之謂備曰我與卿同邊地人布

見關東起兵欲誅董卓布殺卓東出關東諸
將無安布者皆欲殺布耳請備於帳中坐婦
牀上令婦向拜酌酒飲食名備為弟備見布
語言無常外然之而內不悅

魏志張
邈傳注

布初入徐州書與袁術報書曰昔董卓作
亂破壞王室禍害術門戶術率兵關東未能
屠裂卓將軍誅卓送其頭首為術掃滅讎恥
使術明目於當世死生不愧其功一也昔將
金元休向兖州甫詣封部為曹操逆所拒破

流離迸走幾至滅亡將軍破兗州術復明目
於遐邇其功二也術生年以來不聞天下有
劉備備乃舉兵與術對戰憑將軍威靈得以
破備其功三也將軍有三大功在術術雖不
敏奉以生死將軍連年攻戰軍糧苦少今送
米二十萬斛迎逢道路非直此止當駱驛復
致若兵器戰具佗所乏少大小唯命布得書
大喜遂造下邳魏志張
邈傳注布水陸東下軍到下邳西四十里備中郎將

丹陽許耽夜遣司馬章誑來詣布言張益德
與下邳相曹豹共爭益德殺豹城中大亂不
相信丹陽兵有千人屯西白城北內聞將軍
來東大小踴躍如復更生將軍兵向城西門
丹陽軍便開門內將軍矣布遂夜進晨到城
下天明丹陽兵悉開門內布兵布於門上坐
步騎放火大破益德兵獲備妻子軍資及部
曲將吏士家口全上建安元年六月夜半時布將河內郝萌反將

兵入布所治下邳府詣廳事閤外同聲大呼
攻閤堅不得入布不知反者爲誰直牽婦
科頭袒衣相將從溷上排壁出詣都督高順
營直排順門入順問將軍有所隱不布言河
內兒聲順言此郝萌也順卽嚴兵入府弓弩
並射萌衆萌衆亂走天明還故營萌將曹性
反萌與對戰萌刺傷性性砍萌一臂順砍萌
首牀輿性送詣布布問性言萌受袁術謀謀
者悉誰性言陳宮同謀時宮在坐上面赤

人悉覺之布以宮大將不問也性言萌常
此問性言呂將軍大將有神不可擊也不音
萌狂惑不止布謂性曰卿健兒也善養視之
創愈使安撫萌故營領其衆上全
初天子在河東有手筆版書召布來迎布軍
無畜積不能自致遣使上書朝廷以布爲平
東將軍封平陶侯使人於山陽界亡失文字
太祖又手書厚加慰勞布說起迎天子當平
定天下意并詔書購捕公孫瓚袁術韓暹揚

奉等布大喜復遣使上書於天子曰臣本當
迎大駕知曹操忠孝奉迎都許臣前與操交
兵今操保傳陛下臣爲外將欲以兵自隨恐
有嫌疑是以待罪徐州進退未敢自寧答太
祖曰布獲罪之人分爲誅首手命慰勞厚見
褒獎重見購捕袁術等詔書布當以命爲效
太祖更遣奉車都尉王則爲使者齎詔書又
封平東將軍來拜布太祖又手書與布曰山
陽屯送將軍所失大封國家無好金孤自取

家好金更相爲作印國家無紫綬自取所帶
紫綬以藉心將軍所使不良袁術稱天子將
軍止之而使不通章朝廷信將軍使復重上
以相明忠誠布乃遣登奉章謝恩并以一好

綬答太祖

全

布令韓暹楊奉取劉備地麥以爲軍資

御覽
八百

三十

袁術遣將紀靈率步騎三萬攻劉備呂布遣
人招備並請靈等饗飲謂靈曰布性不喜合

鬪但喜解鬪耳乃令植戟於營門彎弓曰諸君觀布射戟小支中者當解兵不中留決鬪

布一發中戟支遂罷兵

御覽七百四十六又書鈔一百二十四劉備屯小沛袁術遣將紀靈攻備呂布曰布不善合鬪但喜解鬪耳令門候於營門中舉一

隻戟布言諸君觀布射戟小支一發中者諸軍當解去不中者可留決鬪布舉弓射戟正中

布後又與暹奉二軍向壽春水陸並進所過

虜峒到鍾離大獲而還既渡淮北留書與術曰足下恃軍疆盛常言猛將武士欲相吞滅

每抑止之耳布雖無勇虎步淮南一時之間

足下鼠竄壽春無出頭者猛將武士為悉何在

足下喜為大言以誣天下天下之言安可

盡誣古者兵交使在其間造策者非布先唱

也相去不遠可復相聞布渡畢術自將步騎

五千揚兵淮上布騎皆於水北大哈笑之而

還時有東海蕭建為琅邪相治莒保城自守

不與布通布與建書曰天下舉兵本以誅董

卓耳布殺卓來詣關東欲求兵西迎大駕光

復洛京諸將自還相攻莫肯念國布五原人也去徐州五千餘里乃在天西北角今不有來共爭天東南之地莒與下邳相去不遠誤宜當共通君如自遂以為郡郡作帝縣縣自王也昔樂毅攻齊呼吸下齊七十餘城唯莒卽墨二城不下有田單故也布雖非樂毅君亦非田單可取布書與智者詳共議之建得書卽遣主簿齎上禮貢良馬五匹建尋為臧霸所襲破得建資實布聞之自將步騎向莒

高順諫曰將軍躬殺董卓威震夷狄端坐顧盼遠近自然畏服不宜輕自出軍如或不捷損名非小布不從霸畏布引還抄暴果登城拒守布不能拔引還下邳霸後復與布和魏志

張邈傳注

呂布將兵向莒臧霸等畏布登城上以藥箭

亂射中人馬布不能拔引還下邳書鈔一百二十五陳

補

呂布使陳登詣曹操求徐州牧不得登還布

怒拔戟斫机曰吾所求無獲但為卿父子所賣耳登不為動容徐對曰登見曹公言養將軍譬如養虎當飽其肉不飽則將嗜人公曰不如卿言譬如養鷹飢則為用飽則颺去其言如此布意乃解御覽三百五十二又書鈔一百二十四陳禹謨補引呂布使陳登詣曹操求徐州牧不得登還布怒拔戟斫几曰卿父勸吾協同曹公絕婚公路今吾所求無一獲而卿父子並顯重但為卿所賣耳

布遣許汜王楷告急於術術曰布不與我女理當自敗何為復來相聞邪汜楷曰明上今

不救布為自敗耳布破明上亦破也術時僭

號故呼為明上術乃嚴兵為布作聲援又文選任

彥升奏彈曹景宗注引袁術嚴兵為呂布作聲援也布恐術為女不至

故不遣兵救也以綿纏女身縛著馬上夜自

送女出與術與太祖守兵相觸格射不得過

復還城又御覽八百十九引呂布為曹公所攻甚急乃求救於袁術術先求布女

下即接布恐術為女不至云云布欲令陳宮高順守城自將

騎斷太祖糧道布妻謂曰將軍自出斷曹公糧道是也宮順素不和將軍一出宮順必不

同心共守城也如有蹉跌將軍當於何自立
乎願將軍諦計之無為宮等所誤也妾昔在
長安已為將軍所奔賴得龐舒私藏妾身今
不須顧妾也布得妻言愁悶不能自決魏志張邈
傳注此兩太祖亦非當日原文疑裴氏採入傳時所改
曹公擒呂布布顧劉備曰玄德卿為上坐客
我為降虜繩縛我急獨不可一言耶操曰縛
虎不得不急曹公欲緩之備曰不可公不見
布事丁建陽董太師乎布曰備曰大耳兒最

叵信藝文十七又御覽八百九十二引曹公
為降虜繩縛我急獨不可一言耶操曰縛餓
虎不得不急乃命緩縛布又事類賦虎引同
御覽顧上有布字
布謂太祖曰布待諸將厚也諸將臨急皆叛

布耳太祖曰卿背妻愛諸將婦何以為厚布
默然魏志張邈傳注

李叔節

李叔節與弟進先共在乘氏城中呂布詣乘
氏城下叔節從城中出詣布進先不肯出為

叔節殺數頭肥牛提數十石酒作萬枚胡餅
先持勞客御覽八
百六十

張楊

楊及部曲諸將皆受催汜購募共圖布布聞
之謂楊曰布卿州里也卿殺布於卿弱不如
賣布可極得汜催爵寵楊於是外許汜催內
實保護布汜催患之更下大封詔書以布為
潁州太守魏志呂
布傳注
楊性仁和無威刑下人謀反發覺對之涕泣

輒原不問

魏志張
楊傳注

高順
順為人清白有威嚴不飲酒不受饋所將七
百餘兵號為千人鎧甲鬪具皆精練齊整每
所攻擊無不破者名為陷陣營順每諫布言
凡破家亡國非無忠臣明智者也但患不見
用耳將軍舉動不肯詳思輒喜言誤誤不可
數也布知其忠然不能用布從郝萌反後更
疏順以魏續有外內之親悉奪順所將兵以

與續及當攻戰故令順將續所領兵順亦終

無恨意魏志張邈傳注又後漢呂布傳注引

兵號為千人名陷陣營布後疏

順奪順所將兵亦無恨意也

袁紹以臧洪為東都太守時曹操圍張超於

雍邱洪始聞超被圍乃徒跣號泣並勒所領

將赴其難從紹請兵而紹竟不聽之超城遂

陷張氏族滅洪由是怨紹絕不與通紹增兵

急攻洪城中糧盡厨米三升使為薄糜遍頒

眾又殺其愛妾以食兵將咸流涕無能仰視

男女七八千相枕而死莫有離叛城陷生執

洪紹謂曰臧洪何相負若是今日報未洪據

地曠曰曰諸袁事漢四世五公可謂受恩今

王室衰弱無輔翼之意而欲因際會缺望非

冀惜洪力劣不能推刃為天下報仇何為服

乎紹乃命殺之洪邑人陳容在坐見洪當死

起謂紹曰將軍今舉大事欲為天下除暴而

先誅忠義豈合天意紹漸遣人牽出謂曰汝

非臧洪儔歟空復爾為容顧曰夫仁義豈有
 常所蹈之則君子背之則小人今日寧與臧
 洪同日死不與將軍同日生遂復見殺在紹
 坐者無不歎息御覽四百三十二又四百十
 八引無首十一字於雍邱下
 卽接臧洪從袁紹請兵將赴其難紹不聽之
 族下無滅字不上無絕字無城中糧盡至又
 十六字無咸字流涕下無無能仰視至而死
 十三字無紹謂曰作紹問曠曰作瞑目衰弱作
 微弱無輔翼至而欲七字劣作弱下作不
 能為天下無推刀執仇乃命無乃字舉上無今
 字大事下無欲為天下除暴句遣人作使
 人汝非臧洪儔歟無非歟二字下並同

公孫瓚

公孫瓚字伯珪為上計吏郡太守劉基為事
 被徵伯珪御車到洛陽身執徒養基將徙曰
 南伯珪具豚米於北邙上祭先人觴醊祝曰
 昔為人子今為人臣當詣日南多瘴氣恐或
 不還與先人辭於此再拜慷慨而起觀者莫
 不歔歔在道得赦俱還御覽四百二十一又
 五百二十六引無字
 伯珪為四字基作其下作以事犯注檻車徵
 伯珪禱衣平幘御車到洛陽無身執徒養四
 字基將徙作其當徙祭先下無人字觴上有
 舉字日南下重日南二字而起下作其時州
 里人在京師者送行見之及觀者莫不歔歔
 又六百八十七引公孫瓚字伯珪上計吏郡

太守劉基以事公車徵伯珪備衣平幘御車洛陽身執徒養

公孫伯圭追討叛胡邱力居等於管子城伯

圭力戰乏食馬盡煮弩楯啖食之御覽三百五十七

公孫瓚與諸屬郡縣每至節會屠牛作脯每

酒一觴致脯一豆書鈔一百四十五陳禹謨補

公孫瓚與破虜校尉鄒靖俱追胡靖為所圍

瓚迴師奔救胡即破散解靖之圍乘勝窮追

日入之後把炬逐北御覽八百七十一

瓚每與虜戰常乘白馬追不虛發數獲戎捷

虜相告云當避白馬因虜所忌簡其白馬數

千匹選騎射之士號為白馬義從一曰胡夷

健者常乘白馬瓚有健騎數千匹乘白馬故

以號焉魏志袁紹傳注

公孫瓚每聞邊驚輒厲色作氣如赴仇嘗乘

白馬又白馬數十匹選騎射之士號為白馬

義從以為左右翼胡甚畏之相告曰當避白

馬長史御覽八百九十七又事類賦馬引常乘白馬下作又選數十白馬為騎射

之士餘俱同又藝文九十二引仇作讎嘗作常又下有揀字至胡甚畏之止又書鈔一百

十七引公孫瓚常與健騎數十人皆乘白馬以為左右翼自號白馬義從

公孫瓚除遼東屬國長史連接邊寇每有驚

輒厲色憤怒如赴讎敵望塵奔繼之夜戰虜

識瓚聲憚其勇莫敢犯之御覽四百三十七

幽州歲歲不登人相食有蝗旱之災人始知

採稻以棗椹為糧穀一石十萬錢公孫伯圭

開置屯田稍稍得自供給御覽三十五又書鈔一百五十六引

五穀不登民人以桑椹為糧

瓚統内外衣冠子弟有才秀者必抑死在窮

苦之地或問其故答曰今取衣冠家子弟及

善士富貴之皆自以為職當得之不謝人善

也所寵遇驕恣者類多庸兒若故卜數師劉

緯臺販繒李移子賈人樂何當等三人與之

定兄弟之誓自號為伯三人者為仲叔季富

皆巨億或取其女以配己子常稱古者曲周

灌嬰之屬以譬也魏志公孫瓚傳注

公孫瓚擊青州黃巾賊大破之還屯廣宗改

易守令冀州長吏無不望風嚮應開門受之

王欽定四庫全書
三
紹自往征瓚合戰於界橋南二十里瓚步兵
二萬餘人為方陣騎為兩翼左右各五千餘
匹白馬義從為中堅亦分作兩校左射右右
射左旌旗鎧甲光照天地紹令麴義以八百
兵為先登彊弩千張夾承之紹自以步兵數
萬結陣於後義久在涼州曉習羌鬪兵皆驍
銳瓚見其兵少便放騎欲陵陷之義兵皆伏
楯下不動未至數十步乃同時俱起揚塵大
叫直前衝突彊弩雷發所中必倒臨陣斬瓚

所署冀州刺史嚴綱甲首千餘級瓚軍敗績
步騎奔走不復還營義追至界橋瓚殿兵還
戰橋上義復破之遂到瓚營拔其牙門營中
餘眾皆復散走紹在後未到橋十數里下馬
發鞍見瓚已破不為設備惟帳下彊弩數十
張大戟士百餘人自隨瓚部迸騎二千餘匹
卒至便圍紹數重弓矢雨下別駕從事田豐
扶紹欲卻入空垣紹以兜鍪撲地曰大丈夫
當前鬪死而入牆間豈可得活乎彊弩乃亂

發多所殺傷瓚騎不知是紹亦稍引卻會麴

義來迎乃散去魏志袁紹傳注又水經淇水注引公孫瓚擊青州黃巾賊

大破之還屯廣宗袁本初自往征瓚合戰於界橋南二十里紹將義破瓚於界橋斬

瓚冀州刺史嚴綱又破瓚殿兵於橋上又御覽七十三引同水經注又御覽三百五十六

引袁紹為公孫瓚所圍別駕田豐扶紹入空垣紹脫兜鍪抵地云丈夫當前關死而反逃

人牆間豈可得活

初平四年天子使太傅馬日磾太僕趙岐和

解關東岐別詣河北紹出迎於百里上拜奉

帝命岐往紹營移書告瓚瓚遣使具與紹書

曰趙太僕以周召之德銜命來征宜揚朝恩

示以和睦曠若開雲見日何喜如之昔賈復

寇恂亦爭士卒欲相危害遇光武之寬親俱

陛見同與共出人以為榮自省邊鄙得與將

軍共同此福此誠將軍之眷而瓚之幸也魏志

袁紹傳注

先是有童謠曰燕南垂趙北際中央不合大

如礪惟有此中可避世瓚以易當之乃築京

固守瓚別將有為敵所圍義不救也其言曰

救一人後將恃救不力戰今不救此後將當
念在自勉是以袁紹始北擊之時瓚南界上
別營自度守則不能自固又知必不見救是
以或自殺其將帥或為紹兵所破遂令紹軍
徑至其門魏志公孫瓚傳注
瓚諸將家家各有高樓樓以千計瓚作鐵門
居樓上屏去左右婢妾侍側汲上文書全
袁紹分部攻者掘地為道穿穴其樓下稍斲
施木柱之度足達半便燒所施之柱樓輒墜

倒上

關靖

關靖字士起太原人本酷吏也諂而無大謀

特為瓚所信幸

魏志公孫瓚傳注

袁紹

袁紹父成字文開名壯健貴戚權豪自大將
軍梁冀以下皆與交結恩好言無不從故京

師諺曰事不諧詣文開

御覽三百八十六又魏志袁紹傳注引無

袁紹父三字壯健上無名字下有有部三字
字交結恩好止結好二字諺上有為作二字

又御覽四百九十六引袁紹父成字文開貴
盛自梁冀以下皆與交言無不從京師諺曰
事不諧
詣文開
紹生而父死二公愛之幼使為羸弱冠除濮
陽長有清名遭母喪服竟又追行父服凡在
冢廬六年禮畢隱居洛陽不妄通賓客非海
內知名不得相見又好遊俠與張孟卓何伯
求吳子卿許子遠伍德瑜等皆為奔走之友
不應辟命中常侍趙忠謂諸黃門曰袁本初
坐作聲價不應呼召而養死士不知此兒欲

何所為乎紹叔父隗聞之責數紹曰汝且破

我家紹於是乃起應大將軍之命魏志袁紹傳注又後

漢書袁紹傳注引凡在冢廬六年又引不妄

通賓客至奔走之友唯無伍德瑜三字又御

覽四百五引袁紹居雒陽西北阨不妄通賓

客非海內知名不得相見又四百九引袁紹

不妄通賓客好遊俠與張孟卓何伯求吳子

卿許子遠伍德瑜等皆奔走之友不應辟命

袁紹生而孤幼為郎容貌端正威儀進止動

見仿效弱冠除服長有清能名御覽三百八

鮑刻本作除復

陽長有清能名

袁紹有姿貌威容愛士養名既累世台司賓

客所歸加以傾心折節莫不爭赴其庭士無

貴賤與之抗禮御覽四百七十五

袁紹辟大將軍府不得已起從命舉高第遷

侍御史弟術為尚書詔不欲為臺下告疾求

退御覽二百二十七

董卓謂袁紹曰皇帝冲闇非萬機之主陳留

王猶勝今欲立之紹勃然曰天下健者豈惟

董公橫刀長揖徑出懸節於東門而奔冀州

書鈔一百二十三又御覽三百四十五引皇帝至立之作劉氏種不足復遺餘並同東門

作上東門

是時年號初平紹字本初自以為年與字合

必能克平禍亂魏志袁紹傳注

紹既破瓚引軍南到薄落津方與賓客諸將

共會聞魏郡兵反與黑山賊于毒共覆鄴城

遂殺太守栗成賊十餘部眾數萬人聚會鄴

中坐上諸客有家在鄴者皆憂怖失色或以

啼泣紹容貌不變自若也賊陶升者故內黃

小吏也又後漢書袁紹傳注引升故為內黃小史有善心獨將部

王粲英雄記
衆踰西城入閉守州門不內他賊以車載紹家及諸衣冠在州內者身自扞衛送到斥邱乃還紹到遂屯斥邱以陶升爲建義中郎將乃引軍入朝歌鹿場山蒼巖谷討于毒圍攻五日破之斬毒及長安所署冀州牧壺壽遂尋山北行薄擊諸賊左髮丈八等皆斬之又擊劉石青牛角黃龍左校郭大賢李大目于氏根等皆屠其屯壁奔走得脫斬首數萬級紹復還屯鄴

魏志袁紹傳注

紹遣使卽拜烏丸三王爲單于皆安車華蓋羽旄黃屋左纛版文曰使持節大將軍督幽青并領冀州牧阮鄉侯紹承制詔遼東屬國率衆王頒下烏丸遼西率衆王蹋頓右北平率衆王汗盧維乃相募義遷善款塞內附北捍獫狁東拒濊貊世守北陲爲百姓保鄣雖時侵犯王畧命將徂征厥罪率不施時悔愆變改方之外夷最又聰惠者也始有千夫長百夫長以相統領用能悉乃心克有勲力於

國家稍受王侯之命自我王室多故公孫瓚
作難殘夷厥土之君以侮天慢主是以四海
之內並執干戈以衛社稷三王奮氣裔土忿
奸憂國控弦與漢兵為表裏誠甚忠孝朝所
嘉焉然而虎兕長蛇相隨塞路王官爵位否
而無聞夫有勲不賞俾勤者怠今遣行謁者
楊林齋單于璽綬車服以對爾勞其各綏靜
部落教以謹慎無使作凶作惡世復爾祀位
長為百蠻長厥有咎有不臧者泯於爾祿而

喪於乃庸可不勉乎烏丸單于都護部眾左
右單于受其節度他如故事

魏志烏
桓傳注

袁遺

袁遺字伯業

後漢書袁
紹傳注

紹後用遺為揚州刺史為袁術所敗太祖稱
長大而能勤學者唯吾與袁伯業耳

魏志武
帝紀注

袁術

紹從弟術字公路汝南汝陽人也

後漢書袁
紹傳注

麴義

王粲英雄記

二

袁紹討公孫瓚先令麴義領精兵八百強弩

千張以為前登瓚輕其兵少縱騎騰之義兵

伏楯下一時同發瓚軍大敗御覽三百五十七又三百八十

四引至前登討作擊

麴義後恃功而驕恣紹乃殺之魏志袁紹傳注

逢紀

逢紀說紹曰將軍舉大事而仰人資給不據

一州無以自全紹答云冀州兵強吾士飢乏

設不能辨無所容立紀曰可與公孫瓚相聞

導使來南擊取冀州公孫必至而馥懼矣因

使說利害為陳禍福馥必遜讓於此之際可

據其位紹從其言而瓚果來魏志袁紹傳注

紀字元圖初紹去董卓出奔與許攸及紀俱

詣冀州紹以紀聰達有計策甚親信之與共

舉事後審配任用與紀不睦或有讒配於紹

者紹問紀紀稱配天性烈直古人之節不宜

疑之紹曰君不惡之邪答曰先日所爭者私

情今所陳者國事紹善之卒不廢配配由是

更與紀為親善全上又後漢書袁紹傳注引至甚親信之無出奔二字又荀彧傳注同信上無親字

審配

審配任用與紀不睦辛評郭圖皆比於譚後漢

書袁紹傳注

袁尚使審配守鄴曹操進軍攻鄴審配將馬禮為內應開突門內操兵三百餘人配覺之從城上以大石擊門門閉入者皆死操乃鑿塹圍迴四十里初合淺示若可越配望見笑

而不出操令一夜濬之廣深二丈決漳水灌之自五月至八月城中餓死者過半尚聞鄴急將兵萬餘人還救操逆擊破之尚走依曲漳為營操復圍之尚懼遣陰夔陳球請降不聽尚還走藍田操復進擊圍之尚將馬迎等臨陣降眾大潰尚奔中人盡收其輜重得尚印綬節鉞及衣物以示城中城中崩沮審配命士卒曰堅守使戰操軍疲矣幽州方至何憂無主以其兄子榮為東門校尉榮夜開門

內操兵配猶拒戰城陷生獲配操意活之配

意氣壯烈終無撓辭見者莫不歎息遂斬之

御覽三百十七又書鈔一百十八引袁尚使

審配守鄴曹操進軍攻鄴配將馬禮叛為內

應開突門內操兵三百餘人配覺之從城上

以大石擊突中柵門柵門閉入者皆死沒

袁尚使審配守鄴曹操攻之操出行圍配伏

弩射之幾中及城陷生獲配操謂曰吾近行

圍弩何多也配曰猶恨其少操曰即忠於袁

氏不得不爾志欲活之配意氣壯烈終無撓

辭遂斬之御覽四百三十八又三百四十八

引袁尚使審配守鄴城曹操進軍

攻鄴生獲配謂曰吾近行圍

郭圖

譚尙戰於外門譚軍敗奔北郭圖說譚曰今

將軍國小兵少糧匱執弱顯甫之來久則不

敵愚以為可呼曹公來擊顯甫曹公必至先

攻鄴顯甫還救將軍引兵而西自鄴以北皆

可虜得若顯甫軍破其兵奔亡又可斂取以

拒曹公曹公遠僑而來糧餉不繼必自逃去

此此之際趙國以北皆我之有亦足與曹公

為對矣不然不諧譚始不納後遂從之問圖
誰可使圖荅辛佐治可譚遂遣毗詣太祖魏志
辛毗傳注
韓珩
袁譚既死弟熙尚為其將焦觸張南所攻奔
遼西烏桓觸自號幽州刺史陳兵數萬殺白
馬盟曰違命者斬各以次歃至別駕代郡韓
珩曰吾受袁公子厚恩今其破亡智不能救
勇不能死北面曹氏所不能為也一坐為珩

失色觸曰舉大事當立大義事之濟否不待
一人可卒珩志以厲事君曹操聞珩節甚高
之屢辟不至御覽四百二十二

陳瑀
陳温字元悌汝南人先為揚州刺史自病死
袁紹遣袁遺領州敗散奔沛國為兵所殺袁
術更用陳瑀為揚州瑀字公瑋下邳人瑀既
領州而術敗於封邱南向壽春瑀拒術不納
術退保陰陵更合軍攻瑀瑀懼走歸下邳魏志

袁術傳注

韓馥

馥字文節潁川人

七字又見後漢書董卓傳注

為御史中

丞董卓舉為冀州牧于時冀州民人殷盛兵糧優足袁紹之在渤海馥恐其興兵遣數部從事守之不得動搖東郡太守喬瑁詐作京師三公移書與州郡陳卓罪惡云見逼迫無以自救企望義兵解國患難馥得移請諸從事問曰今當助袁氏邪助董卓邪治中從事

劉子惠曰今興兵為國何謂袁董卓馥白知言短而有慙色子惠復言兵者凶事不可為首今宜往視他州有發動者然後和之冀州於他州不為弱也他人功未有在冀州之右者也馥然之乃作書與紹道卓之惡聽其舉兵

魏志武帝紀注

冀州刺史韓馥問諸從事曰馥有何長何短治中劉子曰前勞賜有餘肉百觔賣之一州調度奢儉不復在是猶可勞賜勤勞吏士賣

之示狹

御覽八百六十三

袁紹使張景明郭公則高元才等說韓馥使

讓冀州

魏志臧洪傳注又後漢書郡國志注引冀州下有與紹二字

劉子惠

劉子惠中山人兗州刺史劉岱與其書道卓無道天下所共攻死在旦暮不足為憂但卓死之後當復回師討文節擁強兵何凶逆寧可得置封書與馥馥得此大懼歸咎子惠欲斬之別駕從事耿武等排閤伏子惠上願并

見斬得不死作徒被赭衣掃除宮門外

後漢書袁

紹傳注

趙浮

紹在朝歌清水口浮等從後夾船數百艘眾萬餘人整兵駭鼓過紹營紹甚惡之浮等到謂馥曰袁本初軍無斗糧各欲離散旬口之間必土崩瓦解將軍但閉戶高枕何憂何懼

後漢書袁紹傳注

耿武

閔純

耿武字文成閔純字伯典後袁紹至馥從事
十餘人棄馥去唯恐在後獨武純杖刀拒兵
不能禁紹後令田豐殺此二人後漢書袁紹傳注

朱漢

紹以河內朱漢為都官從事漢先時為馥所
不禮內懷怨恨且欲邀迎紹意擅發城郭兵
圍守馥第拔刃登屋馥走上樓收得馥大兒
搥折兩腳紹亦立收漢殺之馥猶有憂怖故
報紹索去魏志袁紹傳注又後漢書袁紹傳注引同

王匡

匡字公節泰山人輕財好施以任俠聞辟大
將軍何進府進符使匡於徐州發彊弩五百
西詣京師會進敗匡還州里起家拜河內太
守魏志武帝紀注又後漢書獻帝紀注引匡字公節泰山人輕財好施以任俠聞為袁紹河內太守又董卓傳注引至以任俠聞又袁紹傳注引匡字公節泰山人無符字州一作鄉無末七字又御覽三百四十八引匡字有王字使上無進符二字州作鄉下無里字又四百七十七引鄉下有里字俱無末七字

孔佃

伯字公緒陳留人魏志武帝紀注又後漢書董卓傳注引伯字公緒又袁紹傳注引伯上有孔字人下有也字

劉虞

虞為博平令治正推平高尙純樸境內無盜賊災害不生時郡縣接壤蝗蟲為害至博平界飛過不入魏志公孫瓚傳注

虞讓太尉因薦衛尉趙謨益州牧劉焉豫州牧黃琬南陽太守羊續竝任為公全上

幽州刺史劉虞食不重肴藍縷繩履書鈔十八

百三十六又御覽二百五十八引有作簡履作履

虞之見殺故常山相孫瑾椽張逸張瓚等忠

義奮發相與就虞罵瓚極口然後同死魏志公孫瓚傳注

劉岱

岱孝悌仁恕以虛己受人吳志劉繇傳注

劉翊

劉翊字子相潁川人遷陳留太守出關數百里見士大夫病亡道次翊以馬易棺脫衣殮

王粲英雄記
之又逢知故困餓於路不忍委去因殺所駕
牛以救之衆人止之翊曰視沒不救非志士
遂俱餓死御覽四百十九

劉表

州界羣寇既盡表乃開立學官博求儒士使
綦母闔宋忠等撰定五經章句謂之後定魏志

劉表傳注

張羨

張羨南陽人先作零陵桂陽長甚得江湖間

心然性屈彊不順表薄其爲人不甚禮也羨
由是懷恨遂叛表焉魏志劉表傳注又後漢書劉表傳注引長作守焉無末焉字

劉焉

劉焉起兵不與天下討董卓保州自守犍爲
太守任歧白稱將軍與從事陳超舉兵擊焉
焉擊破之董卓使司徒趙謙將軍向州說校
尉賈龍引兵還擊焉焉出青羌與戰故能破
殺歧龍等皆蜀郡人蜀志劉焉傳注

三
範聞父焉為益州牧董卓所徵發皆不至收
範兄弟三人鑲械於郿塢為陰獄以繫之
範從長安亡之馬騰營從焉求兵焉使校尉
孫肇將兵往助之敗於長安

劉璋

焉死子璋代為刺史會長安拜潁川扈瑁為
刺史入漢中荊州別駕劉闔璋將沈彌婁發
甘寧反擊璋不勝走入荊州璋使趙韙進攻
荊州屯朐臆

蜀志劉
焉傳注

先是南陽三輔人流入益州數萬家收以為
兵名曰東州兵璋性寬柔無威畧東州人侵
暴舊民璋不能禁政令多闕益州頗怨趙韙
素得人心璋委任之韙因民怨謀叛乃厚賂
荊州請和陰結州中大姓與俱起兵還擊璋
蜀郡廣漢犍為皆應韙璋馳入成都城守東
州人畏威咸同心並力助璋皆殊死戰遂破
反者進攻韙於江州韙將龐樂李異反殺韙

軍斬韙

蜀志劉
璋傳注

龐羲

龐羲與璋有舊又免璋諸子於難故璋厚德
羲以羲為巴西太守遂專權勢

蜀志劉璋傳注

劉備

靈帝末年備嘗在京師復與曹公俱還沛國
募召合眾會靈帝崩天下大亂備亦起軍從

討董卓

蜀志先主傳注

備留張飛守下邳引兵與袁術戰於淮陰石
亭更有勝負陶謙故將曹豹在下邳張飛欲

殺之豹眾堅營自守招呂布布取下邳張飛
敗走備聞之引兵還北至下邳兵潰收散卒

東取廣陵與袁術戰又敗

全

備軍在廣陵飢餓困敗吏士大小自相啖食
窮餓侵逼欲還小沛遂使吏請降布布令備
還州并勢擊術具刺史車馬童僕發遣備妻
子部曲家屬於泗水上祖道張樂

全

建安三年春布使人齎金欲詣河內買馬為
備兵所鈔布由是遣中郎將高順北地太守

張遼等攻備九月遂破沛備單身走獲其妻
息十月曹公自征布備於梁國界中與曹公
相遇遂隨公俱東征上全
表病上備領荊州刺史上全

孫堅

劉表將呂公將兵緣山向堅堅輕騎尋山討
公公兵下石中堅頭應時腦出物故吳志孫
堅傳注
堅以初平四年正月七日死上全

胡軫

初堅討董卓到梁縣之陽人卓亦遣兵步騎
五千迎之陳郡太守胡軫爲大督護呂布爲
騎督其餘步騎將校都督者甚衆軫字文才
性急預宣言曰今此行也要當斬一青綬乃
整齊耳諸將聞而惡之軍到廣成去陽人城
數十里日暮士馬疲極當止宿又本受卓節
度宿廣成秣馬飲食以夜進兵投曉攻城諸
將惡憚軫欲賊敗其事布等宣言陽人城中
賊已走當追尋之不然失之矣便夜進軍城

中守備甚設不可掩襲於是吏士飢渴人馬甚疲且夜至又無壘釋甲休息而布又宣言相驚云城中賊出來軍眾擾亂奔走皆棄甲失鞍馬行十餘里定無賊天明便還拾取兵器欲進攻城守已固穿壘已深軫等不能攻而還

吳志孫堅傳注

張咨

咨子子儀潁川人亦知名

吳志孫堅傳注又後漢書袁術傳注

引儀作議無本三字

周瑜

周瑜鎮江夏曹操欲從赤壁渡江南無船乘箴從漢水下住浦口未即渡瑜夜密使輕船走舸百數艘艘有五十人移棹人持炬火火然則迴船走去去復還燒者須臾燒數千箴火大起光上照天操夜走

藝文八十八又御覽八百六十八引箴作箴從漢作公漢住作至百數艘無數字移作箴持炬火下有持火者數千人立於船上以葦於箴至乃放火十八字走去去無去復還燒者五字引周瑜敗曹操於赤壁密使輕船走舸百戶艘艘有五十人拖棹人持炬火

按百戶戶字誤
鮑刻本無戶字

孔文舉

孔文舉為東萊賊所攻城欲破其治中左承

祖以官棗賦與戰士御覽九百六十五又事類賦棗引其上有而字

賦下無與字

向栩

向栩字甫興性卓詭不倫恒讀老子狀如學

道又似狂生好被髮著褻頭常於竈北坐板

牀上如是積久板乃有膝踝足指之處御覽七百

三十九又三百七十二引向栩坐板牀有兩
踝處入板中三寸許又書鈔一白三十三引
向栩常坐梨牀上

向栩為性卓不不凡好讀老子狀如學道又

復似狂居嘗北坐被髮喜長嘯人客從就輒

伏不視人有於栩前獨拜栩不答御覽三百九十二

尚子平

尚栩原譌作相先人尚子平有道術為縣功曹休

歸自入山擔薪賣以飲食御覽二百六十四又文選嵇叔夜與

山巨源絕交書注引無首四字飲作供又孔德璋北山移文注引同食上有飲字李周翰

曰尙長字子平王莽時司徒王邑薦之固辭
後遂入山隱也又於北山移文下云尙長字
子平男女嫁娶說便隱而不出按尙子平西
漢末東漢初人此蓋因尙栩而類及之

閻忠

涼州賊王國等起兵共劫忠為主統三十六

部號車騎將軍忠感慨發病而死魏志賈栩傳注又後

漢書皇甫嵩傳注引無共字末作忠感傷發病死又董卓傳注截引

涼茂

茂名在八友中魏志涼茂傳注

張儉

先是張儉等相與作衣冠糺彈彈中人相調
言我彈中誠有八俊八乂猶古之八元八凱

也世說新語品藻篇注

又後漢書郡國志會稽郡鄞烏傷下注引

英雄交爭記云初平三年分縣南鄉為長

山縣按所引疑即漢末英雄記又御覽十

六引在尊者前宜各具一手巾不宜借人

巾用此條不知何屬並附錄於末

